

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA PFBiH

n/r g. Tomislav Martinović, predsjedavajući

*Bosna i Hercegovina
Federacija Bosne i Hercegovine*
**PARLAMENT FEDERACIJE
SARAJEVO**

Sarajevo, 30.03.2020. godine

Priljena: 31.03.2020			
Org. jed.	Broj	Priloga	Vrijednost
02-	02-	734	20

3103.2020 HUS

PREDMET: Prijedlog za donošenje Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća

U skladu s članom 155., a u vezi s članovima 172., 186. i 187. Poslovnika o radu Doma naroda Parlamenta Federacije BiH br. 27/03 i 21/09 podnosim prijedlog za donošenje **po HITNOM POSTUPKU** Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća.

S poštovanjem

Delegat u Domu naroda Federacije BiH

Elmedin Konaković

Konaković

1970
1971
1972

1973



Obrazloženje

U skladu sa članom 187. Poslovnika o radu Doma naroda Parlamenta Federacije BiH, obrazlažem razloge hitnosti.

Svjedoci smo da je pandemija Koronavirusa posebna vrsta nesreće koja je zadesila prostor Bosne i Hercegovine, a tako i Federacije BiH, te da kruti propisi, kojima se rukovodioci Federalnog štaba imenuju po funkciji, ne daju željene rezultate u borbi protiv pandemije. Pred nama su i moguće druge nesreće za koje će riječ struke biti presudna, a vrstu nesreće ne možemo predvijeti, a samim tim ni osobe koje trebaju da rukovode

aktivnostima.

Cijenimo da je iz tog razloga potrebno **HITNO** mijenjati ovaj Zakon, te omogućiti imenovanje stručnih ljudi na čelo Federalnog štaba.

ZAKON**O IZMJENAMA I DOPUNAMA ZAKONA O ZAŠTITI I
SPAŠAVANJU LJUDI I MATERIJALNIH DOBARA OD PRIRODNIH
I DRUGIH NESREĆA****Član 1.**

Član 114. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) mijenja se i glasi:

(1) Komandanta, načelnika i članove Federalnog štaba postavlja i razrješava Vlada Federacije

(2) Komandant i načelnik Federalnog štaba bit će imenovani iz reda eksperata, a u zavisnosti od vrste prirodne ili druge nesreće koja je pogodila Federaciju Bosne i Hercegovine

(3) Zamjenik premijera Vlade Federacije, direktor Federalne uprave civilne zaštite i sekretar Crvenog križa Federacije po funkciji su članovi Federalnog štaba

(4) Za članove Federalnog štaba postavljaju se eksperti iz različitih oblasti koje predlažu ministarstva u Vladi Federacije, a u zavisnosti od vrste prirodne ili druge nesreće koja je pogodila Federaciju Bosne i Hercegovine

Poseban akt o unutrašnjoj organizaciji Federalnog štaba donijet će Vlada Federacije.

Član 2.

Ovaj zakon stupa na snagu osmog dana od dana objavljivanja u „Službenim novinama Federacije BiH“.